

Daengx Gih Cuengh Gun Song Saw Vah Yozcenz Lauxsae “Angq Hag Sawcuengh” Sonhag Beizyinbanh Youq Vujmingz Gawjbanh

全区壮汉双语学前教师“快乐壮文”教学培训班在武鸣举办

□ bonjbauq gicej Dangz Lungz



▲ Gvangjsih Minzcuz Gyauyuz Fazcanj Cungsim cujyin Couh Gwzyih guh hai ban gangjah.



▲ Baij doz sonhag caemh yinx lwgnyez lai.



4 nyied 25 hauh banhaet, aen 2014 nienz daengx gih Cuengh Gun song saw vah yozcenz lauxsae “angq hag Sawcuengh” sonhag beizyinbanh youq Vujmingz Yen Daibingz Cin Gingloz Siujoyz hai ban lo. Gvangjsih Minzcuz Gyauyuz Fazcanj Cungsim cujyin Couh Gwzyih daengj lingjdauj nem doenghboux lauxhangz mizgven daj Gvangjsih Sawcuengh Yozyau、Vujmingz Yen Gyauyuzgiz daeuj de daengz gwnz ban cijdauj. Gungh miz 76 boux lauxsae mizgven de daj Nanzningz、Fangzcwngzgangj、Ginhcouh、Cungzcoj daengj dieg 38 aen Cuengh Gun song saw vah siujoyz daeuj de camgya le baez beizyin neix.

Ngoenzde banhaet, Gingloz Siujoyz 3 boux lauxsae son youwzyenz de faenbied hawj gyoengq nyez ndaw Gingloz Siujoyz Youwzyenz hwnjdangz; doenggvaq dohmeizdij baijok、guhcaemz guh’ angq、ok doz hai saw、lauxsae hagseng doxcam doxdap caez doenghfwngz、doeg golwngnyez daengj lai cungj hingzsiik lwgnyez gyaemaij de, youq guh’ angq guh-caemz ndawde, hawj gyoengq nyez angqvauvau dwk hag “ad、aed、ed、ag、aeg、eg、ak、aek、ek” daengj gij yinhmeh Sawcuengh neix. Gij dangz neix, gyoengq yozyenz youq bangxhenz yawj de hix dingq ndaej gig mizyinx.

Baez beizyinbanh neix dwg bineix daih’ it geiz cungj beizyinbanh neix. Baez neix cawzliux yawj hwnjdangz, lij miz sonhag lwnhyaeng nem diemjbingz、angq hag Sawcuengh、fwen haeuj hagdangz daengj gyaulyenz nem hwnjdangz hozdung, gij hozdung neix youz doenghboux lauxhangz sonhag Vahcuengh Sawcuengh daj Gvangjsih Sawcuengh Yozyau daengj danhvei daeuj de cujiz.



▲ Gij doz neix yawj couh rox saw.

◀ Cihmeh guhcaemz lwgnyez angq.



▲ Couh Gwzyih cujyin cingq nyinhcaen guh bitgeiq.



▲ Baez beizyinbanh neix youq ndaw dohmeizdij gyausiz hwnjdangz.



▲ Bonj saw 《Angq Hag Sawcuengh》raen couh mizyinx.



▲ Doenghboux lingjdauj、lauxhangz nem vozvonz sim'anza kab'inei.



▲ Gyoengq nyez neix maij guh hozdung.



▲ Gyoengq yozyenz dingq haeuj sim geiq haeuj bouh.